

DE MORBO MACULOSO HAE-  
MORRHAGICO WERLHOFII.

---

DISSERTATIO INAUGURALIS MEDICA,

QUAM

CONSENSU ATQUE AUCTORITATE AMPLISSIMI  
MEDICORUM ORDINIS

IN

UNIVERSITATE CAESAREA LITERARUM  
DORPATENSIS,

PRO GRADU

DOCTORIS MEDICINAE

LEGITIME OBTINENDO

LOCO CONSUETO PALAM DEFENDET

AUCTOR

THEOD. CONRAD. HARTMANN,  
CURONUS.

---

DORPATI LIVONORUM,  
TYPIS J. C. SCHÜNMANNI, TYPOGRAPHI ACADEMICI.  
MDCCCXXVI.



Imprimatur,  
ea tamen conditione, ut, si inulac typis excusa fuerit  
haec dissertatio, septem exemplaria collegio, cui censu-  
ra librorum mandata est, tradantur.

Dorpati Livonior. d. II. Mens. Decbr. MDCCXXVI.

Dr. M. E. Styx,  
h. t. Decanus, Professor emeritus.

D 16686

Avunculo suo carissimo

Viro summe reverendo atque doctissimo

Conrado Schulz

Verbi divini ministro

hoc lucubrationis juvenilis tenue specimen in-  
signium plurimorumque beneficiorum  
memoria permotus

pia grataque mente offert

Auctor.

**U**trum hunc libellum libentius scriptum, an Tibi  
oblatum videam, dubius equidem haereo. Ni-  
hil enim in hominum vita gravius, nihil jucun-  
dus, quam erga eos, a quibus summa in nos be-  
neficia collata sint, animum profiteri pietatis a-  
morisque sensu plenum. Quem etiam Tibi, Vir  
prastantissime! qualicunque modo comprobandi  
desiderio jam diu tenebar; nam cum mihi pater  
praematuero fato esset ereptus, Tu filii loco me  
habuisti parentisque vice functus es consilio,  
cura, gratia, amore vere paterno, cuius nullo  
non tempore insignia mihi exhibuisti documenta.

**Accipias igitur, quaeso, munusculum, e te-**  
**nui illud quidem ingenii supellectile deprem-**  
**tum, animo vero integerrimo, reverentiae ac pie-**  
**tatis affectu abundantia, Tibi dicatum, atque in**  
**posterum quoque plane Tuum me fore, hic adfir-**  
**mare mihi permittas.**

.....

### *Introductio.*

**C**elsus et antiquissimi scriptores morbum maculosum haemorrhagicum Werlhofii non cognosse videntur, quamvis id nonnulli credant, atque opinionem suam confirmare studeant loco sequente apud Celsum, a scriptoribus Graecis vetustissimis desumto: „Quibus magni lienes sunt, his gingivae malae sunt, os olet, aut sanguis aliqua parte prorumpit; quorum si nihil evenit, necesse est in cruribus mala ulcera et ex his nigrae cicatrices fiant.“ Conf. Hippocrat. de intern. affect. §. 34. et Paulum Aeginetam III. 49. Hic locus autem non ad morbum maculosum haemorrhagicum Werlhofii, sed ad scorbutum potius pertinet mihi videtur. A Celeberrimo Werlhofio<sup>1)</sup> ille morbus primum diligenter descriptus ac morbus maculosus haemorrhagicus nominatus, hinc etiam nomen proprium morbi maculosi haemorra-

1) Werlhofii opera medica, Vol. II. p. 620 et Vol. III. p. 748.

gici Werlhofii accepit. Quamquam hic morbus remotiori jam aevo, a Willis, Lister 2) et aliis scriptoribus observatus, sub nomine scorbuti comprehendebatur, a Graaf 3) petechiarum asebrilium titulo insigniebatur, a Riverio 4) denique accuratissime, qua ratione a febre petechiali distinguendus esset, exponebatur: tamen ne unus quidem scriptor fuit ante aetatem Werlhofii, qui nomen proprium ac peculiare eidem imponebat, et symptoma diagnostica tali modo constiueret atque ille, cuius ad nostra usque tempora nomen in fronte gerit. Post. Werlhofium multi scriptores huic morbo alia nomina, nonnunquam alienissima, indere studuerunt. Sic Schwediaur 5) illum peliosin, Harles 6) petechias chronicas, Sauvages stomachacem universalem, Wagner 7) petechianosin, Adair 8), Bergerer, Zetterstroem et Batemann 9) haemorrhoeam petechiale appellaverunt, atque Willan 10) denique nomen purpurae haemorrhagiae effinxit.

Si nomen quaerendum sit, quod brevissime

- 2) Lister exercitat. med. de seorhuto.
- 3) Graaf, Dissert. inaug. de petech. sine febre. Götting. 1775.
- 4) Riverius, prax. med. XVIII. 1.
- 5) Schwediaur, nov. med. rat. syst. Vol. II. p. 173.
- 6) Hufeland, Journal etc. T. X St. 1.
- 7) Hufeland, Journal etc. T. XVIII. St. 1.
- 8) Adair, Dissert. inaug. de haemorrh. petech. Edinb. 1789.
- 9) Batemann, Darstellung der Hautkrankheiten nach Willans System. p. 177.
- 10) R. Willan, über die Hautkrankheiten, übers. von Fries. T. I. p. 346.

symptomata praecipua et eminentissima, uti etiam naturam mali indicet et declaret, morbus, quem describimus, haemorrhoea petechialis nuncupari posset; denominatio autem usitata, a Werlhofio deducta, maxime idonea et aptissima mihi videtur, quia clarissimi hujus viri memoriam recolit; quare hoc nomen in dissertatione mea plerumque retinui. Cur autem nomina cetera, ab auctoribus proposita, minus apta videantur, ex iis patebit, quae de symptomatibus et de natura hujus morbi serius disseram.

.....

### *D i a g n o s i s.*

Tria symptomata, sic dicta essentialia, nec non absentia symptomatum, quae in morbis similibus observantur, diagnosin nostri morbi ejusdemque ab aliis morbis discrepantiam accuratissime constituent. Quae symptomata sunt sequentia:

I. Plerumque, non semper tamen, prodromi antecedunt morbo ipsi erumpenti; nonnunquam per nonnullos, vel per quatuordecim dies, interdum etiam per plures hebdomades ante morbum emergentem, aegrotus sentit lassitudinem, virium corporis et mentis defectionem, musculorum imbecillitatem, dolores extremitatum obtusos, atque ciborum adpetitus plerumque deest. Quandoque tenus horror, nausea, vomitus biliosus et diarrhoea animadvertuntur. Saepe etiam profluvia sanguinis e pluribus corporis organis praecedunt. Cel. Colemann (11) refert, puellae septemdecim annorum, diu ante morbi ortum, ad

11) Auserlesene Abhandlungen. T. III. p. 68.

contactum lenissimum gingivae ex ore sanguinem effluxisse. Saepius autem omnes prodromi deficiunt, et morbus subito occupat homines antea sanos.

II. Maculae rubrae, serius coeruleae et nigrae, rotundae, arcte circumscriptae, magnitudinem lentis vel nisi adaequantes, in tota corporis superficie, morbo incipiente, formantur ac petechias similes sunt, quae multis in febrium generibus apparent. Maculae distincte separatae sunt et tali multitudine erumpunt, ut cuti speciem quasi marmoratam impertiant. Gradu vehementiori morbi obtinente, maculae interdum quoque confluent, et vibices longas, lividas, coeruleas formant. Nonnunquam maculae coeruleae, cum colore viridi variantes, magnitudine volae manus, similes sugillationibus, ex contusione allatis, existunt, quae tamen sedem suam in extremitatibus plerumque habere videntur, quamvis Havinga (12) et Marquet (13) in palpebris, Consbruch (14) in regione epigastrica, Wagner (15) in sclerotica adeo oculi easdem a se observatas esse dicant. In omnibus corporis partibus, quin etiam in internis, quae membranis mucosis obtieguntur, maculae animadversae sunt, ut in ore, in lingua, in gingivis palatoque molli. Epidermis macularum, in his partibus saepius elevata, pustulas format, quae rumpuntur et sanguinem, iis conten-

12) Havinga Dissert. de morb. macul. haem. Werlhofii Gröning. 1799.

13) Rust Magazin für die gesammte Heilkunde B, 8. p. 33.

14) Hufeland Journal etc. T. VII. St. 2.

15) Hufeland Journal etc. T. XVIII. St. 1.

tum, effundunt. In externis autem corporis partibus maculae, pustulas formantes, rarissime observatae sunt. Reil 16), Acrel 17) et Marquett 18) hoc symptoma se vidisse, commemorant. Maculae si digito premuntur, paene omnino evanescent, sed mox tamen redeunt. Nullum inflammationis vestigium in cute percipitur, rubor, dolor atque auctus cutis calor desunt, nihilominus tamen aegroti pruritum vehementer sentire solent. Maculae fricatae, ut nonnulli scriptores affirmant 19 et 20), sanguinem nigrum, postea crustam formantem, ejiciunt. Eruptio macularum ordinem definitum et fixum sequi non videatur. Primo maculae in corporis partibus, quae vestibus obtenguntur, erumpere solent, et rarissime quidem faciem, nunquam autem partes pilis obsitas occupant, ut nonnulli scriptores falso crediderunt 21). Alii scriptores maculas in inferioribus corporis partibus primo erumpere solere, observaverunt. Friese 22) primas maculas in malleolis pedum, Harles 23) in planta pedis, Marquett 24) in lingua atque in cavo oris videbant. Eruptio macularum autem non semper est accuratissime

constitnenda; namque ut hi autores easdem in locis supra memoratis animadverterunt, sic alii etiam primo in facie, in pectore et brachiis 25), alii, ut ego ipse, subito una nocte in toto corpore dispersas deprehenderunt, saepetque tanta copia, ut ne duae quidem lineae totius superficie corporis vacuae conspicerentur 26).

Maculae incerto vel loco, vel tempore, erumpunt et sine desquamatione, nec crustas relinquentes, evanescunt, primo rubrae, serius flavae fiunt et colorem cutis album sensim recipiunt.

III. Semper morbo progrediente, saepe etiam simul cum eruptione macularum, haemorrhagiae e diversis organis oriri solent. Immo in casibus rarissimis, ut jam supra commemoravi, haemorrhagiæ etiam eruptionem macularum ipsam praecedunt. Haemorrhagiae in ore, praecipue in lingua 27 et 28), gingivis palatoque molli, atque etiam in naribus 29 et 30) provenire solent. Cel. Professor Struve 31) etiam casum commemorat, ubi vir quinquaginta annos natus, et spiritui cereali et Veneri nimis deditus, in morbum nostrum incidit; simul vehementer ex naribus haemorrhagia apparuit, quac saepe etsi sedata, tamen

16) Reil. Memor. clin. Vol. I. fasc. 1.

17) Acrel Dissert. de haemorrhœa. Upsal. 1797.

18) Rust Magazin etc. B. 8. p. 30.

19) Lentini Beiträge zur ausübenden Arzneiwissenschaft. T. IV. p. 224.

20) Tomann Annalen der Würzb. klinischen Anstalt 1801.

21) Hufeland Journal. T. XVIII. St. 1.

22) Friese Anmerkungen zur system. Bearbeitung der Hautkrankheiten von R. Willan. p. 347.

23) Hufeland Journal etc. T. X. St. 1.

24) Rust Mergazin etc. B. 8. p. 30.

25) Lentini Beiträge zur ausübenden Arzneiwissenschaft. T. IV. p. 224.

26) Schaefer Versuch einer med. Ortsbeschreibung der Stadt Regensburg p. 146.

27) Garnet Memoir. of the med. Soc. of Lond. Vol. IV.

28) Hufeland Journal etc. T. VII. St. 2.

29) Ferris in med. factis and observ. Vol. I.

30) Schaefer l. c.

31) Rust. l. c. B. 8 p. 35.

haud raro, si aegrotus ad iram incitaretur, prorumpere solebat. Hic morbus per duos annos continuavit, donec aegrotus, paulo post sanatus, accedente apoplexia sanguinea, cum sanguis probabiliter in cranium profundetur, vita decessit. Rarius conspiciuntur haemorrhagiae ani, haematuriae 32 et 33), metrorrhagiae, pneumonorrhagiae 34), rarissime vero haematemesis et haemorrhagia oculorum observatur. Haematemesis ortum suum non ex haemorrhagia vera ventriculi, sed e sanguine devorato plerumque trahere videtur. Batemann adeo animadvertisit stillicidium sanguinis ex aure; Cel. Wichmann 35) affirmat quidem, haematurias atque hemorrhagias ani in hoc morbo deesse, multi tamen scriptores 36 et 37) easdem se observasse contendent. Haemorrhagiae saepius non sunt vehementissimae, et tunc molestiis aegrotos non afficiunt; interdum autem vehementissimae, copiose et continuæ animadvertuntur et periculum vitae adducunt. Permemorabiles quoque haemorrhagiae, vitae periculum adducentes, quae saepe e minima cutis laesione oriuntur, quod intelligi potest ex morbi historia No. II., a nobis conscripta. Evidem has quoque vehementes haemorrhagias, quae e cutis laesioribus ori-

untur, et, tamdiu perseverantes, difficulter sedari possunt, symptomata diagnosticum morbi nostri putaverim, quo ipse a scorbuto discernitur. In scorbuto enim haemorrhagiae, e cutis laesione orientes, nunquam tam diu perseverant, et multo faciliter sisti possunt, quam in haemorrhoea petechiali. Tum quoque hic animadvertis potest, in scorbuto e minimis cutis laesioribus ulcera chronica oriri, quod in nostro autem morbo nunquam observatum est. Pulsus tardior, rarer et imbecillior esse solet, quam in statu sano. Aegrotus magnam lassitudinem et debilitatem sentit, sensu oppressionis in praecordiis afficitur, nonnunquam dyspnoea adest; omnes excretiones desunt, et postremo formantur anasarca, tabes et aliae cachexiae. Cel. Wichmann 38) in quodam viro adeo quotidie duas libras sanguinis ex ore effusas animadvertis.

Tempus, quo haemorrhagiae provenire solent, incertum est; et noctu et interdiu prosluvia sanguinea exoriuntur, atamen saepius noctu. Ferris 39) observavit, haemorrhagias solummodo noctu adfuisse. Hic auctor casum commemorat, ubi septem annorum infans sanus semper fuerit, usque ad id tempus, quo mane expergesfactus, petechiis quasi consitus fuit; quatum numerus per tres dies sensim sensimque augebatur. Quarto die mater animadvertisit, infantem dormientem ex ore naribusque sanguinem atro-purpureum emittere. Similac somno expergesfactus erat infans, sanguinis effusio intermittebat; nocte sequente

32) Huseland Journal T. XVIII. St. 1.

33) Rust. l. c. B. 8. p. 35.

34) Petr. Borelli Hist. et obs. med. et phisic. Cent. II. 35.

35) Wichmann Ideen sur Diagnostik. T. I. p. 91.

36) Havinga l. c.

37) Huseland Journal etc. T. XVIII. St. 1. und T. XXII. St. 2.

38) Wichmann l. c. T. I. p. 95.

39) Richter Chirurg. Biblioth. T. XII.

sanguinis effusio eodem modo apparuit, aequa et  
quarta; quo facto tandem, remediis adhibitis,  
convalevit.

Substantia sanguinis evacuati etiam valde di-  
versa est, sanguis solet esse ruber, vel flavus,  
dissolutus et difficile coagulatur; interdum quo-  
que ater et crassus est pessimeque olet, saepe au-  
tem nec saporēm nec odorem habet.

Haemorrhagiae saepe sunt remittentes, inter-  
dum intermitentes et ob causas tenuissimas fa-  
cie redunt.

IV. Symptomata morborum similiūm de-  
sunt, nempe:

1) Febris deest inde ab initio morbi, per totum  
decursum usque ad stadium colliquativum, in  
quo etiam febris purida cum nostro morbo con-  
jungi potest 40). Pulsus e contrario tardior et ra-  
rior animadvertisit, quam in statu sano. Saepissime  
pulsus quoque parvus et debilis est atque  
magna debilitas systematis irritabilis semper  
praevallet.

2) Desquamatio epidermidis et formatio cru-  
starum desunt.

3) Status colliquativus et cachecticus incipi-  
ente morbo nunquam adest, et foetor ex ore non  
emittitur.

Quae omnia nobis etiam indicant, quibus  
signis morbus noster ab aliis morbis similibus dif-  
ferat. Nonnulla vero eorum, quae protulimus,  
diagnosticorum symptomatum absesse posse et  
morbum nihilominus pro haemorrhoea pete-  
chiali completa habendum esse, nullo modo ne-  
gari potest. Modo enim, quod saepius accidit,

40) Rust. l. c. B. 3. p. 59.

morbo nostro nulli prodromi praecurunt; modo  
omnes omnino haemorrhagiae desunt, ita ut ma-  
culae tantum morbum designent, quem in quar-  
ta, quam communicavimus, historia, nec non  
apud plures Anglicos autores 41) et Dr. Harder 42)  
invenies. Rarissime autem accidit ut, maculis de-  
ficientibus, morbus ex haemorrhagiis cognosci  
possit.

Morbi quidam cum nostro morbo, attentione  
animi non accuratissime adhibita, facile permutari  
possunt, videlicet petechiae, scarlatina putrida  
ac purpura scorbutica.

I. Petechiae a morbo matuloso haemorra-  
gico Werlhoffi sic distinguuntur: petechiae sunt  
morbus acutus febrilis; noster morbus autem est  
chronicus sine febre. Quamquam Acrel 43) fe-  
breum modo majorem, modo minorem etiam cum  
morbo nostro conjunctam esse putat, e qua autem  
maculas et haemorrhagias non pendere dicit, ego  
tamen credo, febrem non esse symptomā essentia-  
le, sed tantummodo fortuitum per totum morbi de-  
cursum usque ad stadium colliquativum; in quo,  
ut jam supra diximus, febris putrida nostro cum  
morbo conjungi potest, atque igitur absentiam fe-  
bris symptomā essentiale diagnosticum inter pete-  
chias et morbum, de quo loquimur, censeri posse.  
Quod autem ad petechias chronicas adinet,

41) Plumbe über die Hautkrankheiten, aus dem Eng-  
lischen übers. Weimar 1825 p. 86.

42) Peterburger Abhandlungen aus dem Gebiete der  
Heilkunde Saml. 3. 1825 p. 145 bis 156.

43) Acrel l. c.

quas Cel. Graaf 44), Gesner 45), Ferris 46) et Strack major 47) in scriptis suis commemoraverunt, ipse ego omnino assentior opinioni Cel. Harles 48), qui petechias chronicas supra dictas, ratione formae et naturae, unum et eundem morbum cum haemorrhoea petechiali esse credit; attamen idoneum mihi non videtur, nostrum morbum nomine petechiarum chronicarum insignire, quia nomen morbi maculosi haemorrhagici Werlhofii symptomata hujus morbi essentialia accuratissime designat.

Acrel 49) alia adhuc symptomata diagnostica commemorat. Contendit enim in nostro morbo epidermidem vesiculis, sanguine repletis, turgere, quod autem non nisi rarissime fit, atque has maculas in facie naribusque erumpere, qui loci petechiis obduci non solent. Denique etiam affirmat, maculas in nostro morbo rarissime ante diem septimum aut nonum, petechias autem plerumque post nonnullos dies evanescere.

Cel. Wichmann 50) diagnosin in primis ex eo patere credit, quod maculae primum subito et plerumque sine symptomatis malis antecedentibus erumpant, deinde quod petechiae morbo maculoso haemorrhagico Werlhofii sint perniciosiores, qui etiam eo discerni a petechiis possit,

44) Graaf, l. c.

45) Beobachtungen aus der Arzneigelartarbeit. B. 3.

p. 208.

46) Med. facts and observ. Vol. I. p. 7.

47) Obs. med. de. morb. cum. petech. 1786.

48) Hufeland Journal. T. X. St. 1.

49) Acrel, l. c.

50) Wichmann l. c. p. 97.

quod nec contagiosus nec epidemicus morbus est. Posterius dictum sic utique se habet, neutiquam vero prius; namque jam supra demonstravi, maculas rarissime tantum subito una nocte apparere ac plerumque prodromos quosdam nostrò morbo antecedere.

II. A scarlatinā putrida hic morbus eo differt, quod in scarlatina putrida maculae post quintum vel septimum diem emergentis exanthematis cum desquamatione epidermidis evanescunt, angina atque febris semper adest, et odor proprius animadvertisit, odorem ex cellis, in quibus caseus vetus et haleces servantur, aut eum, quem ferae emitunt, referens 51). Omnia haec symptomata scarlatinav̄ desunt haemorrhoeae petechiali.

III. Difficillima est distinctio nostri morbi à purpura scorbutica, quia noster morbus cum dyscrasia scorbutica interdum conjunctus esse iulet 52). Symptomata autem, purpurae scorbuticae propriā, morbo, quem describimus, desunt, vide licet maculae, magnitudinem lentis vel volae manus aequantes, irregulares, non arcetē circumscriptae, quae saepè coloris sunt magis viridis et subflavi aut coerulei et nigri, quam in nostro morbo. Maculae scorbuticae solummodo pedes occupant, non autem faciem, brachia ceteraque corporis partes, ut in nostro morbo; maculae sensim se extendunt et postremo omnino nigrae

51) Hufeland und Himly Journal der prakt. Heilkunde St. 3. Maerz 1812. p. 69.

52) Hufeland System der prakt. Heilkunde Bd. 2. p. 221.

fiunt. Epidermis desquamatur atque extremitates fiunt torpidae. Digitus maculas premens, astrobiculos facit, ut in carne putrida. Simil adsunt haemorrhagiae, tamen non continuae neque universales, attamen quando adsunt, diu durantes et plerumque e gingivis. Adsunt etiam stomachace et ulcerata maligna cum effluvio valde foetido 53). In scorbuto aegri de insigni totius corporis lassitudine et crurum pedumque gravitate, cum movendi impotentia conjuucta, saepe queruntur; color faciei successive magis magisque depravatur, evadit pallidus, dentes vacillant, ut fere eximi queant, gingivae fiunt laxae et tumidae, et leviter contractatae, sanguinem impurum, cum materia foetida ichorosa mixtum, fundunt, immo caro luxurians ibi persaepe excrescit et foetor oris quotidiana incrementa capit; ventriculus doloré gravi per saepe tóquetur, adpetitus plerumque deest, et alvus nunc valde laxa, nunc valde adstricta est. Valdopere etiam scorbuto completo laborantes, praeter angustias pectoris, vexare consuescunt dolores vehementissimi nunc dextri, nunc sinistri lateris, modo versus dorsum, modo versus sternum extensi, et per intervalla desinentes ac revertentes, nec minus singulares anxieties praecordiales et gulæ constrictiones percipiuntur, quae respirationem valde impeditunt. Dolores, varias partes torquentes, arthriticos aut rheumaticos aemulantur, adeoque etiam huic vel illi parti modo fixius altiusque, quod tamen ratius contingit, inhaeret, modo, et quidem frequentius,

53) Schmals Versuch einer med. diag. Tabelle. p. 235.

ex parte alia in aliam transeunt, et nunc obtusi, tensivi, gravativi, vermiculares, nunc vero pungentes, lancinantes, osteocopi et acutissimi sunt. Frequentius crura, genua, dorsum, coxendicem et lumbos invadunt, et subinde etiam circa talos et plantas pedum, itemque digitorum extrema vagantur 54.)

Omnia haec symptomata desunt nostro morbo, quare etiam hic cum purpura scorbutica permutterari vix posset.

Quod adtinet ad naturam morbi maculosi haemorrhagici Werlhofii, difficile est opinionem subtilius definitam firmamque pronunciare, quoq;iam permulti celeberrimique scriptores sententias diversissimas de eo proposuerunt. Ego etiam, ut Cel. Haase 55) credit, hunc morbum haemorrhagiis adnumerandum esse putem, quia patet, extravasatum sanguineum in tela cellulosa organi cutanei, ex abnormitate dynamica vasorum ibidem obviorum ortum, causam macularum superdictarum esse. Namque si epidermis harum macularum removetur, sub iis extravasatum sanguineum invenitur, et tunc in his locis, ab epidermide nudatis, haemorrhagiae facile existunt.

Multi scriptores, ut Willan 56), Wichmann

54) Marbach. Dissert. de dyscrasia humor, scorbutie. purpurat. Francfurt.

55) Haase Erkennt. und Cur der chron. Krankheiten Vol. I. p. 537.

56) R. Willan l. c. Vol. IV. p. 346.

57) Batemann 58) et Raimann 59) morbum maculosum haemorrhagicum Werlhofii exanthematicis adnumerant. Contra hanc opinionem sequentia autem pugnat; in hoc morbo nullum adest vestigium inflammationis cutaneae, quod tamen symptoma omnium exanthematum maxime necessarium est. Denique simul cum nostro morbo haemorrhagiae semper animadvertuntur, non autem in exanthematicis; aut sicubi adsunt, tamen symptomata eorum modo fortuita constituunt. Alii auctores, ut, exempli gratia, Sauvages 60) et Lister 61) haemorrhoeam petechiale scorbuto adaequandam putant. Cel. Consbruch 62) etiam hanc opinionem defendit atque declarat, hunc morbum peculiarem quendam esse scorbuti formam, cum ex iisdem causis gignatur et eadem curam postulet. Quamvis ipse etiam credam, nostrum morbum cum cachexia scorbutica in ultimo morbi studio plerumque coniunctum esse solere, tamen, ut supra commemoravi, inter nostrum morbum et scorbutum perfectum seu purpuram scorbuticam discrimen statuo, Cel. Wichmann 63) negat, morbum maculosum haemorrhagicum Werlhofii scorbuto adaequare posse.

Purpura haemorrhagica morbus est sporadi-

57) Wichmann I. c. Vol. I. p. 97.

58) Batemann I. c. p. 177.

59) Raimann Handb. der spec. med. Pathologie Vol. II. p. 93.

60) Sauvages Cl. IX. gn. 3.

61) Lister I. c. p. 36.

62) Consbruch Klinisches Taschenbuch Vol. II. p. 241.

63) Wichmann I. c.

cus, simplex, vel complicatus aliis cum morbis. Cel. Werlhof 64) cum febre intermitente, Schaefer 65) et Cel. Wichmann cum variolis, Cel. Harnles cum hydrope asciide nostrum morbum consociatum se observasse contendunt. Neuhaeuser 66) cum parotidis tumore junctum videbat, qui tumor una cum petechiis quater, quatuordecim diebus interjectis, adfuit et evanuit. Ab Havinga 67) tumor glandularum submaxillarum simul cum nostro morbo animadversus est. Cel. Professor Struve mecum communicavit, cum ictero et depravata functione hepatis nostrum morbum saepissime complicatum se vidiisse; cuius rei confirmationem in nostra quarta et in illa morbi historia invenimus, quae a viro laudato in diariis Cel. Rustii 68) narrata est, ubi vir quinquaginta annorum, qui ebriositati nimis indulgebat, morbo nostro, cum ictero complicato, affectus erat. Similiter orta est valde vehemens et sedatu difficillima haemorrhagia ex macula quadam petechiali in regione umbilicali. Qua quidem haemorrhagia, quamvis sedata, paulo post sanguinis profusio per intestina procedebat, quae mox aegrotato mortem adduxit. Idem vir observavit morbum nostrum complicatum cum phthisi exulcerata, postquam aeger per aliquot temporis spatium Mercurio dulci, ex consilio medici cuiusdam, usus esset.

64) Werlhof I. c.

65) Schaefer I. c.

66) Med. Nationalzeitung für Deutschland, Nr. 8 Fr. 1799. p. 120.

67) Havinga I. c.

68) Rust I. c. Bd. 8. p. 56.

## *Morbis Historiae.*

### I.

**A. K.**, quatuordecim annorum adolescens, Dorpatensis, per aetatem puerilem usque ad octavum annum bona gaudebat valeridine, subito vero, cum aliquando iter ficeret, in morbum maculosum haemorrhagicum Werlhofii incidit. Erupere enim repente tempore nocturno permultae maculae rubrae, arcte circumscriptae, similes punctuationibus pulicis, in tota corporis superficie vultuque. Quae maculae sensim sensimque numero crecebant, quanquam ille ceteroquin bene se habere videbatur. Parentes huius adolescentis a nonnullis agricolis, quibus plebs medicinae peritiam attribuebat, consilium openque petivere, obsecrantes, ut filium malo, quo erat affectus, liberarent. Quo facto, agricolarum pseudo-medicorum consilio, VI cucurbitae pueri in cervice applicatae sunt; qui loci extumescentes, nigrescere et magno dolore affici coepérunt. Inde cum Dorpatum revertisset, medici cujusdam, qui hic habitat, auxilium imploravit et

hujus ope curaque factum est, ut suggillationes evanescerent, maculae autem pallescerent. Postea autem, tempore aliquo praeterlapsa, vehementia sanguinis profluvia ex ore naribusque accessere, et illa sanguinis jactura aegrotus, qui ceterum de nihilo quereretur hilarisque erat, ita debilitatus est, ut viribus valde desitueretur et, hac ipsa in haemorrhagia, maculae magis magisque et palluere et evanescere. Minima quaque laesione praegressa, vehementissima et coercitu difficillima sanguinis profluvia exoriri solebant, saepe etiam suggillationes sub cute. Sic morbus hicce multos per annos durabat, donec casu quodam accidit, ut aegrotus sibi manum cultro leviter sollemmodo laederet, quo factum est, ut haemorrhagia tanta et tam vehementis oriretur, ut miser ille, viribus prorsus fractis debilitatisque, animi deliquium pateretur. Quo facto, ad nosodochium academicum Dorpatense vectus, ex animi deliquio in vitam revocatus, profluvium sanguinis autem compressione arteriae brachialis inhibitum est. Sanguis fuit aquosus et tenuis ac vulneris cicatrix non per primam intentionem obductum est. Tunc remedia adstringentia adhibita sunt, quae quidem lenimen afferentia, haemorrhagiam sedabant, at morbum non prorsus removebant. Patiens primum Elixir. acid. Haller. magnis acceptis dosibus, postea autem decoctum Rad. Tormentil., cum Elix. acid. Haller. conjunctum. Denique vero pro Elix. acid. Haller. satis magna Aluminis crudis quantitas decocto Rad. Tormentillae addita est. Haec omnia remedia, quamquam per plures mentes adhibebantur, tamen morbum non plane sustulerunt, et aegrotus, cum ceteroquin valeret,

curationem amplius subire noluit. Abiit enim non prorsus sanatus, et nunc quoque, etsi minori gradu, morbo nostro laborare dicitur, morbo inquam, quo jam ex octo annis affectus est. Postquam autem ex instituto clinico Dorpatensi decessit, a Cel. Professore Struve Cremorem Tartar. et decoctum Cortic. Peruviani, vicibus alternis assumendum, serius accepit, balneaque frigida in flumine eidem ordinata sunt, quae remedia magnum auxilium attulerunt.

## II.

Historiam aegroti sequentem, nostro morbo laborantis, a medico quodam, mihi amicissimo, e vicinitate Dorpatensi accepi, cujus verba hic sequuntur:

C. J., adolescens duodeviginti annos natus, constitutione valde debili, aspectu pallido et cachectico, (qui nondum ad perfectam pubertatem pervenisse videbatur, quum in eodem nihil barbae animadverteri posset atque vultus ejus et structura corporis, ratione tenuitatis subtilitatisque, magis puellam quam virum proderent), jam ex septimo aetatis anno haemorrhoea petechiali laboraverat. Unoquoque mense hic adolescens nostro morbo semel affectus est, qui per nonnullos dies perduravit et tunc evanuit. Tempore fixo et conueta ratione, incipiente interlunio, maculae parvae, arcte circumscriptae, rubrae vel coeruleae, quoad formam et magnitudinem iis similes, quas pulices, aculeum insigentes, efficiunt, in tota corporis superficie eruperunt, tali modo, ut ne ipsa facies quidem ab iisdem non obsita esset. Maculae, postquam per nonnullos dies floruerant, haemorrhagia narium tanta cum vehemen-

tia exorta est, ut sanguis adeo, fluminis instar, effueret et vires aegroti citissime frangerentur. Tali modo morbus quarta quaque hebdomade rediens, usque ad duodevicesimum aetatis annum in hoc adolescente perdurabat, quo tempore aegrotus denique, quum epistaxis per vices majore cum vehementia apparceret, meum auxilium imploravit. Aegrotum in statu magnopere debilitato et cachectico reperi, ita, ut lectum proprio Marte relinquere non posset. Epistaxis sedata injectionibus aquae frigidiae in nares, atque ad usum internum decoctum Cort. Peruv., cui satis magna Elix. acid. Haller. quantitas admixta, ordinatum est. Haec medicamenta effectum optatum sane habuerunt, maculae evanuerunt, haemorrhagia sedata est et, quum aegrotus in usu hujus medicamenti pergeret, morbus etiam per nonnullos menses non rediit. Aegrotus putavit nunc plane sanatum se esse, attamen dolendum est, hanc eum spem fefellerisse. Vix enim usum hujus medicamenti intermisserat, nec a rebus noxiis, jam prius sanitati ejus detrimentum inferentibus, satis sibi caverat, (pedibus enim nudatis in palustribus agris laborabat, in stramento putrido et humido dormiebat atque alimentis crudis, concoctu difficultibus, utebatur,) cum jam maculae denuo erumperent, quae postquam per aliquot dies permanserant, haemorrhagia praeceps narium exorta est, ita quidem, ut sanguis quantitate maxima, fluminis instar, profunderetur. Quum autem aegrotus, ob nimiam domicili mei distantiam, nec me de malo redeunte certiorem facere, nec a me auxilium accipere posset, haemorrhagia sedata non est, qua itaque confessus viribusque aegroti citissime fractis, adolescens miserrimus morti succubuit.

## III.

*Historia aegroti, nostro morbo laborantis, quae sequitur, ab auctore ipso Berolini observata est:*

C. St., operarius, quinquaginta annos natus, tam firmae, et, ut ita dicam, athleticae erat constitutionis, ut nec ulla morbo laborans, nec tristem animi affectionem passus, multis miseriis molestisque in vita sua tolerandis par esset. Ad quartum usque diem Mensis Augusti antecedentis anni nullo morbo debilitatus erat. Consueverat tamen magnam quantitatem spiritus cerealis quotidie bibere, tali modo ad opera sua molesta se roborans. In domo humida, nimia hominum frequentia referta, habitabat, ac, paupertatis gratia, alimentis vilissimis et tenuissimis nutritiebatur. Ex his causis, quibus accedebat aëris temperies, hac aestate valde calida, probabile videtur, heroem nostrum a morbo maculoso haemorrhagico Werlhofii die supra dicto affectum fuisse. Magna macularum parvarum coerulearum copia, magnitudine lentis vel pisi, in tota corporis superficie, praesertim autem in extremitatibus, subito animadvertebantur, quae speciem suggillationum parvarum sub cute referebant atque eidem superficiem quasi marmoratam imperiebant. Cetero, quin valetudine optima gaudebat, adipetus ciborum ei non deerat et neque febri, neque doloribus capititis exercebatur. Die sequente exorjetabantur vehementia sanguinis profluvia ex ore naribusque, atque maculae, similes petechiis, quae in nonnullis febribus observantur, tali modo confluabant atque angebantur, ut maculae coeruleae, per yices in colorem viridem transeuntes, magnitudine volge manus, in extremitatibus apparerent,

quae speciem similem suggillationibus, e contusione allatis, prae se ferebant. Sanguis, qui semper ex ore naribusque fluebat, tenuissimus et valde solutus erat, atque refrigeratione facta, crux eidein deerat. Non solum in cute externa, sed etiam in lingua, in palato molli gingivisque has maculas ahimadvertisi; epidermis denique in his locis formabat pustulas, plenas sanguinis, partim tenuissimi et soluti, partim coagulati, quae rumpebant atque contentum evacuabant. Attamen nou solum ex his pustulis, sed etiam e permultis partibus linguae, palati mollis gingivarumque sanguis erumphebat. Maculae aegroto neutiquam dolores, sed solum pruritum excitabant. Incisione cutis in maculis facta, sanguinem coagulatum, in cute extravasatum, reperi. Morbo per octo dies morante, aegrotus paullulum languescebat, musculi laxi et soluti reddebantur, ac dolores obtusi capitis aegrotum torquebant. Circulatio sanguinis erat tardior et languidior, quam in statu sanitatis perfectae; sic quoque pulsus inveniebatur rarior et minor. Cum hoc tempore aegrotus meum auxillum imploraret, curationem illico suscepit. Causas morbi remotas, quantum potui, sustuli, aut fregi, aërem cubiculi depravatum renovavi et purgavi, aegroto alimenta dredi, e regno plantarum electa, quae erant etiam facilita concoctu, laetum denique aegroto animum conciliare, atque affectionem animi tristem removere studui. Simul etiam potionē spiritus cerealis cum prohibui. Praescripsi decoctum Cort. Peruvian., cui addita est satis magna Acid. sulphuric. dilut. quantitas. Totum corpus quater aut quinque per diem aqua fontana frigida et aceto crudo lavari ac gargarisma ex infuso herb. Salviae, cui

mixtum erat acetum crudum, adhiberi jussi. Nimiae paupertatis causa, in qua aegrotus versabatur, non lieuit mihi plura et magno pretio comparanda medicamenta praescribere, atque me his contentum esse oportuit. Attamen et haec medicamenta non erant sine effectu; namque quatuordecim diebus elapsis maculae commutaverunt colorem coeruleum cum rubro et flavo, haemorrhagiae sensim desierant, vires aegroti celeriter auctae sunt, atque post sex hebdomades, maculis sine desquamatione evanescuntibus, aegrotus sanitatem perfectam recuperavit et res suas rursum potuit obire.

## IV.

J. K., puella tredecim annos nata, tenera corporis structura, quum ante annum ex incomplete hemiplegia consanisset, die XIX Septembris anni 1825 iterum in medicam nosocomii nostri sectionem recepta est. Tribus ex Hebdomadi bus parvulae, subrotundae, nec punctiunculis dulicium dissimiles maculae, quarum sedes in cutis tela cellulosa, per totum corpus apparabant. — Pulsus irregularis, modo celerior, modo tardior, interdum intermittens. Corpore vehementius moto, maculae pruriere coepérunt; cutis icterico, albuginea nullo colore infecta est. Cibum aegrota modice appetens, saporem amarum et in regione hepatis leniores, premendo auctos, dolores conquesta est. Alvis justo tempore quotidie dejiciebatur, nullaque corporis ex parte sanguis profluxit. Aegre anhelosam aegrotam animam duxit, facie pallida, genis labentibus et corporis unoquoque motu imbecilli et languido. Quod ad morbi hujus, merito pro morbo maculoso ha-

morrhagico Werlhofii habiti, causas adinet, non modo vilius crudusque, quem sunserat, cibus, sed demissum etiam atque humidum ejus domicilium ad paludosam fluvii ripam, praecipue, quae memoretur, dignae sunt.

Quoniam igitur, localibus haemorrhagiis absentibus, systematis vasorum debilitas ad altiorum nondum pervenerat gradum neque amplius, ob flavum cutis colorem, amarum saporem doloresque in regione hepatis obvios, dubia esset sedes morbi in abdomine, remediis resolventibus atque amaris, quae sistema chylopoëticum excitarent, uti optimum videbatur:

## Rec. Extr. Trifol. fibrin.

— Taraxac.  $\overline{\alpha}$   $\overline{\beta\beta}$   
solve in Aq. simpl.  $\overline{\gamma\gamma\gamma}$

Tinct. Rhei aquos.  $\overline{\beta\beta}$

M. d. Omni bihorio unum cochlear cibarium sumendum.

Sequentibus diebus, quum dolores non modo in artubus, mediocres deprehenderentur, sed in regione etiam ventriculi atque hepatis augerentur, d. XIV. Sept., omisis amaris resolventibus, remedia resolventiare frigerantia adhibita sunt:

Rec. Pulp. Tamarind.  $\overline{\beta\beta}$ 

Tart. tartarisat.  $\overline{\beta\beta}$

Aq. commun.  $\overline{\gamma\gamma\gamma}$

M. S. omni bihorio i cochlear cibarium sumendum.

Quibus cum aegrotata uti pergeret, mox meliori valetudine maculisque minoribus gavisa est;

quamobrem nihil, nisi adstricta, quam ex biduo querebatur, alvus ad mutanda medicamina nos impulit, ita, ut pro Tart. tartarisat., Natr. sulphuric. sequenti modo praescriberetur:

Rec. Natr. sulphuric.

Pulp. Tamarind.  $\frac{3}{3}$

Aq. commun.  $\frac{2}{3}$

M. S. Omni bichorio 1 cochlear cibarium sumendum.

Jam alvo, pulsi simillima, dejecta, die XVII. Sept. dolores in regione ventriculi atque hepatis imminuti sunt et, ut flavus cutis color abiit, ita maculae aliis locis minores factae sunt, aliis evanuerunt. Optimo jure igitur Natrium sulphur. omittendum et ad priores leviores resolventes sales transeundendum erat:

Rec. Tart. tartarisat.  $\frac{3}{3}$

Aq. destillat.  $\frac{2}{3}$

M. S. Omni bichorio 1 cochl. cib. sum.

Quum aegrota graviter in diaeta peccaret, bona ejus valetudo in pejorem rursus mutata est. Accedente enim leniori, quae e statu gastrico exoriebatur, febre, cutis flavum suum colorēm recepit et maculae majori copia eruperunt. Quae quidem, remediis, supra memoratis, purgantibus resolventibusque usque ad initium mensis Octobris perpetuo adhibitis, sensim sensimque evanuerunt; quo facto, ad systema vasorum roborandum, Acido phosph. uti decrevimus. Dolores quidam,

die XI. Oct. in pectore obvii, ut Acidi phosph. loco sequentia praescriberemus, nos adduxerunt:

Rec. Sulph. aurat. antim. Gr<sup>ß</sup>

Extr. Hyoscyam. Grj.

Sacchar. lact. D<sup>ß</sup>.

M. f. pulv. D. tal dos. Nr. VI.

S. Quotidie ter 1 pulv. sumend.

Die XVI. Oct. tum pectoris atque abdominis dolores una cum maculis omnino evanescabant, tum ciborum appetitus aliquique dejunctiones aedoe naturae conveniebant, ut indicationi corporis affecti corroborandi tali modo satisficeret:

Rec. Cort. Peruv.  $\frac{2}{3}$

Coq. ex

Aq. fontan. q. s. ad colat.  $\frac{2}{3}$

Acid. phosphor. dilut.  $\frac{3}{3}$

M. S. Omni bichorio 1 cochl. cib. sumend.

Quo medicamento, cum aegrota uti pergeret, sensim sensimque ita ex morbo consanuit, ut die XXII. Oct. domum dimitteretur. —

## Aetiology

De causis morbi maculosi haemorrhagici Werlhofii superiores scriptores inde ab omni tempore incerti erant ac dubii. Sententias soverbant quam maxime inter se discrepantes, nec unquam res ad liquidum est perdicta. Quamvis vero nostra memoria priores opiniones prorsus fere sint rejectae et quasi oblitteratae, placitaque hodierna ab autoribus recentioribus unicè celebrari inventias, non possumus tamen, quin moneamus, tam superiores, quam recentiores medicos in eo pecasse, quod nimis cupide modo hanc, modo illam sententiam magni facerent neque secum reputarent, morbum, de quo agimus, pro re nata, variis caussis attribui posse. Quocirca causas morbi nostri, et ab antiquioribus et a recentioribus scriptoribus ita acceptas, ut nullis aliis locum relinquenter, commemorare atque docere mihi proposui, qua ratione utrorumque sententiae certis sub conditionibus sint probandae. In multis enim aliis morbis profecto intelligimus; unum

eundemque morbum, pro diversa rerum conditione, e causis diversissimis, imo saepe plane sibi oppositi, oriri posse; quod quidem curandi rationes, saepe omnino contrariae, quae crebro commendaet nec sine aegrotorum commodo adhibitae sunt, utique confirmant. Igitur, si res in aliis morbis isto modo se habet, cur non et in nostro concedatur; nescio, quem praeterea celeberrimorum medicorum experientia ac testimonio simus edocti, curandi methodos diversissimas et quam maxime sibi oppositas contra eum prospero cum eventu tentatas esse. Sed non solum curandi rationes contrariae, verum etiam symptomata, quoad indolem ac naturam plane diversa, in morbo nostro observata, fidem nobis faciunt, in conjectura minus positum, quam exploratissimum potius videri, diverso tempore ac diversis sub conditionibus diversas etiam morbo nostro subesse casas. Quodsi e. g. salguinem diligentius intuemur, qui vel ex haemorrhagiis vel e venaectionibus praesto nobis est, perspicue tres in eodem affectiones observamus. Quibusdam in casibus, et quidem plurimis, valde est liquidus, dilutus et e rubro candicans, in aliis decompositi, putridae obnoxius esse videtur; haud raro denique status quidam inflammatorius in eo deprehenditur, ita quidem, ut saepe crusta inflammatoria seu pleuritica efformetur. Si maculas contemplamur, nonnullis in casibus animadversimus, eas eblore e rubro candicante tinctas, tum vero, ut solet, parvas et arcte circumscriptas esse, nonnunquam autem fuscas magis, lividas, saepe etiam omnino nigras apparere, tum vero majori ambitu extensas, sugillationibus majoribus vel iis maculis similis conspici, quae in vero scor-

buto maritimo communiter extremitates inferiores occupant. Ad confirmandam sententiam nostram, denique etiam diversae corporis constitutiones sunt respiciendae; in quibus sine discriminione morbus noster locum habet; nam tam homines debiles, valetudinarii et cachectici quam validissimi, robustissimi et plethorici morbo nostro, sine sexus et aetatis discriminione, corripiuntur.

Quod vero varias de causis hujus morbi opiniones attinet, jam in eis enumerandis versabor. Superioris scriptores semper decompositionem putridam humorum, dyscrasiae scorbuticae fere aequalem, statuebant; eos nimurum morbi nostri casus observatos commemorabant, ubi revera humorum decompositio putrida reperiatur easque tantummodo causas occasioales in medium proferebant, quae huic putridae humorum decompositioni progenerandae idoneae eis viderentur. Jam ante Werlhofii aetatem morbus noster accurate est descriptus, sed plerumque non satis cognitus et pro alio habitus, nonnullique autores, v. c. Lister<sup>69</sup>), inter haemorrhagiam petechialeam ac verum scorbutum omnino non distinguentes, in posteriori morbo exponendo de hoc quoque disserere instituerunt. Licet Werlhofius<sup>70</sup> primus morbum nostrum definitius describeret et a scorbuto satis perspicue discerneret, et ille tamen statuebat, hanc putridam humorum decompositionem morbo macul. haemorrhag. W. causam esse subjiciendam; inter causas enim occasioales eas tantum affert, quibus putrida sanguinis decompositio progeneratur, idem quoque morbum acidis

69) Lister I. c.

70) Werlhof I. c.

duntaxat atque remedii adstringentibus et roborentibus curavit. Inde a Werlhofio ad recentissima usque tempora haec de causa haemorrhoeae petechialis sententia sola praevalebat. Quin, nostro adeo tempore plurimi auctores huic opinioni adhaerent. Sic e. g. Consbruch<sup>71</sup>) morbum nostrum peculiarem esse scorbuti formam eandemque curam postulare, affirmat. Ipse Gel. Hufeland<sup>72</sup>) morbo macul. haemorrhag. W. dyscrasiam scorbuticam nunquam non causam subesse, existimat. Item Gel. Vogel<sup>73</sup>) causam morbi nostri in quadam sanguinis dissolutione positam censet, neque tamen de hoc dissolutionis genere apertius loquitur certamque proponit sententiam.

Quoad nostram de hac causa occasionali opinionem, libenter equidem fateor, hanc putridam, dyscrasiae scorbuticae propemodum aequalem, sanguinis decompositionem multis in casibus probari posse, cui rel arguento inserviunt ii praesertim casus, ubi morbus macul. haemorrhag. W. acidis, itidem remedii adstringentibus ac roborentibus feliciter sanatus est. Credo tamen, hanc putridam sanguinis decompositionem post diuturniorem morbi moram, aut in aegrotis infirmis, cachecticis, aliis morbis, inprimis vero et quam saepissime ictero chronicò debilitatis, occurrere, tum vero pro causa morbi nostri,

71) Consbruch Klinisches Taschenbuch für prakt. Aerzte, Vol. II. p. 241.

72) Hufeland System der prakt. Heilkunde. Vol. II. p. 221.

73) S. G. Vogel Handbuch der prakt. Arzneiwissenschaft, Vol. V. p. 210.

saltem longioris ejus morae, haberri posse. Nequaquam autem taalem sanguinis decompositiōem scorbuticam, tamquam semper morbi nostri initio obviam, concedere possumus, neque omnino in hominibus ceteroquin sanis, qui nunquam prius insigui quadam morbo laborarunt, qui pulso gaudent pleno ac forti, musculis validis, nec laxis nec languidis, sed functionibus suis obeundis paribus.

Quam maxime vero distincte decompositio illa scorbutica in altioribus gradibus stadiisque serioribus morbi nostri, praecipue autem et communiter in casibus, lethaliter decurrentibus, conspicitur. Huic sententiae praecidio est experientia Cel. Professoris Struve, quam in duabus morborum historiis, ab eo narratis, post longiorem moram morte tandem finem capientibus 74), aper te pronunciat. Idem in casu mortisero, quem secunda morbi historia, a me prolata, continet, descripsi, evenit.

Enimvero haec scorbutica sanguinis decompositio, quae, ut supra jam est dictum, in hominibus tantum cachecticis, vel morbo diutius durante ac praesentibus altioribus ejusdem gradibus, locum habet, probe distinguenda est a siquida illa et diluta sanguinis conditione, quae semper ex morbi initio per totum ejus decursum deprehenditur. Veruntamen, morbo longius protracto, in putridam humorum dissolutionem transire solet, quamvis sane casus nonnulli sint observavi, ubi morbus, licet diutius perdurans, per intervalla semper rediret nec sanguinis con-

74) Rust Magazin etc. B. 8. p. 46 bis 60.

ditio liquida ac diluta in degenerationem putridam transiret. Ejusmodi casus exemplum in prima morbi historia, a nobis descripta, prostat. Nostra memoria putrida haec ac dyscrasiae scorbuticae aequiparanda sanguinis decompositio, qua haemorrhoeae petechialis causa, penitus propemodum est rejecta ejusque causa unica et exclusiva in gravioribus abdominis affectionibus quaesita. Etsi in scriptis aetate prioribus, pauci ejusmodi casus descripti inveniuntur, in quibus enarrandis quidam morbi macul. haemorrhag. W. cum abdominalis affectionibus nexus significatur, magna tamen experimentorum et observationum recentiorum copia, nec non auspiciatoria curandi tentamina, quae, remotis his abdominalis molestiis, brevi temporis spatio, morbum nostrum depellerent, majorem huic rei fidem concilarunt atque pro ea aperie pugnant. Quae vero abdominalis affectiones, morbum macul. haemorrh. W. quam saepissime progenerantes, triplicis esse possunt generis:

1) Creberrime morbo nostro, saltem incipi enti, gastrica quaedam affectio subesse videtur. Plerumque enim vel paplo ante, vel simul cum haemorrhoea petechiali prorumpente, sensus quidam languoris ac lassitudinis appetit. Lingua tum communiter est obducta, capitis dolor, nausea, alius obstipit, ciborum adpetitus diminutus, ut omnia paucis complectar, magna symptomatum caterva adest, quae affectionem gastricam perspicue indicet. Morbus tan diu perseverat, quam functio organorum digestionis turbatur, et modo serius modo ocius, prout gastrica illa passio tollitur, conquiescit. Cel. Plumbe

75) magnum afferit ejusmodi casuum numerum, vel ab ipso observatorum, vel ex plurium aliorum medicorum anglicorum observationibus haustorum at consignatorum, ubi haemorrhœa petechialis, simul cum affectione gastrica, apparet, per totum illud tempus, quo digestionis organa turbata essent, permanebat, nec, nisi remota gastrica conditione, depellebatur. Similes observationes Cel. Prof. Struve instituit, quae et quarta nostra morbi historia confirmantur.

2) Secundum genus affectionum abdominalium, pro causis morbi nostri habitarum, sunt stagnationes in systemate venæ portarum. Cel. Kreyssig primus fusius eas pertractavit<sup>76)</sup>, simulque descripsit, quomodo illæ orientur et caussam morbo nostro præbere possint. Ista videlicet stagnationes in systemate venæ portarum ut in aliis venis, si eum audiamus, oriuntur partim a pressione, quam organa digestioñis nimis repleta in venam portarum exercent, partim a sanguinis in hoc systemate nimia abundantia, qua vena portarum dilatatur atque plus justo extenditur, ita, ut refluxus et libera sanguinis circulatio impediatur. Inde vasorum cutaneorum fines, per se jam infirmi, vel magis debilitantur, sanguinis irruentis impetu non possunt resistere, isque ex iis transfluit. Ex mea vero sententia, venarum oscula sanguinem irruentem non satis celeriter excipere possunt, isque adeo ex ultimis arteriarum ramifi-

75) Plumbé über die Hautkrankheiten, aus dem Englischen übers.

76) Kressig System der prakt. Heilkunde. T. II. Leipzig 1819.

cationibus in cutem, extravasati instar, effunduntur. Iis in locis, qui crassiore epidermide sunt obtecti, sanguis hoc impedimentum nequit superare ideoque in cutis telam cellularem effunditur, ibidem maculas formando, varias exprimentes formas, quae nunc petechiarum, nunc vibicorum, nuc sugillationum specie sub adspectum veniunt. In iis locis vero, qui epidermide valde tenui ac subtili obducti sunt, qui sanguini irruenti non rite possunt resistere, sanguis emicans oculis cernitur et hoc modo haemorrhagia progignitur. Cel. Kreyssig existimat, haemorrhagias in nostro morbo nonnunquam tanquam conamen naturae criticum esse considerandas, quibus natura utatur, ut permulti sanguinis evacuatione libramentum et aequabilitatem in systemate venæ portarum restituat et hac ratione stagnationes in eodem tollat.

3) Affectionum abdominalium, quae hoc loco seu causae morbi macul. haemorrhag. W. recenseri possunt, tertium genus hepatis est affectio. Quam frequentissime haec quidem cum morbo nostro conjuncta appareat, et eatenus momenti causalis instar est consideranda, quatenus simul cum haemorrhœa petechiali adest, quatenus haec porro, ingravescente malo hepatico, manifesto quoque in pejorem mutatur partem, tam diu denique moratur quam illud ipsum, et, sanato illo malo, simul evanescit. Hanc autem affectionem hepaticam saepissime cum nostro morbo consociatum esse, evincunt symptomata icterica, morbum macul. haemorrhag. W. creberrime comitantia. Quam saepissime enim in morbo macul. haemorrhag. W. colorem cutis flavum, ipsam adeo tunicam sclerotican oculorum flave tinctam conspicit-

mus, secretiones saepe plus minusve eodem colore imbutae apparent, ac dolor in hypochondrio dextro peracerbus sentitur, quacunque pressione auctus. Veram esse hanc nostram opinionem, observationes tum propriae, diligentius quidem institutae, tum medicorum atque auctorum probatissimorum, eidem sententiae addictorum, nobis persuadent. Sic etiam in quarta nostra morbi historia haemorrhœam petechialē manifesto cum affectionibus ictericis prodeuntem videmus, et has morbi nostri causam continere patet. Plura ejusmodi exempla et Cel. Prof. Struve obseruavit mecumque humanissime communicavit, quorum unum umberius descripsit 77), ubi tota cutis, ipsa adeo sclerotica colore flava multum tincta apparebat. Cum his et observationes quorundam medicorum Anglicorum 78) convenient.

Quod ad causam proximam morbi mascul. haemorrhag. W. attinet, difficile omnino est hac in re certi aliquid et definiti pronunciare, cum quilibet propemodum medicus, quilibet auctor, aliam proposuerit. Sic Cel. Haase 79) statum paralyticum extremonum vasorum finium causam proximam putat, ex qua haemorrhagia oriatur. Plures auctores, inter eos e. g. Cel. Vogel 80) sanguinis dissolutionem et cutis quandam infirmitatem, alii, ut [Cel. Hufeland 81), cutis atoniam, cum dyscrasia scorbutica copulatam, pro tali ha-

77) Rust Magazin etc. B. 8.

78) Plumbe l. c.

79) Haase l. c. B. 1. p. 540.

80) S. G. Vogel. l. c. Vol. V. p. 210.

81) Hufeland System der prakt. Heilkunde. Vol. II. p. 221.

bet. Acrell 82) eam in debilitata quadam arteriarum parvarum positam esse censet, quae debilitas ad eum ascendat gradum, ut arteriae sanguinem non amplius in venas transducere valeant. Raimann 83) denique affirmat, causam morbi nostri proximam infirmitatem quadam et laxitate arteriarum et vasorum resorbentium, cum nimia sanguinis venositate conjuncta, contineri, cuius venositas ratio in nimia carbonii abundantia quae-renda videatur, cum sanguis ob impedimentum circulationem a carbonio nou satis liberetur.

Ex nostra sententia, causa morbi nostri proxima dupli ratione considerari, et ita quidem constitui posse videtur:

1) Sive enim illa in universali systematis vasorum infirmitate, cum simul obvia sanguinis conditione diluta, dissoluta ac putrida versatur; atque hoc in morbi nostri casu, cum haemorrhœa petechialis passivæ nomine insig-nendum esse putaverim.

2) sive causa proxima conditione sanguinis liquida ac diluta continetur, cui status erethicus, interdum adeo sthenicus systematis vasorum accedit. Tum quidem status systematis vasorum revera activus locum habet ac sanguis eo faciliter ramificationibus vasorum extremitis secerni potest. Eis in casibus, ubi haec causa praevalet, morbus noster commode haemorrhœa petechialis activa potest appellari.

Quantae ad curandum morbum nostrum uti;

82) Acrell Dissert. de haemorrhœa etc. Upsal 1797.

83) Raimann Handbuch der spec. med. Pathologie und Therapie. Wien 1823. Vol. II. p. 93.

litatis sit, si his duabus conditionibus primariis animus advertatur, facile est intellectu, cum reputes, duas has corporis affectiones, adeo sibi invicem oppositas, contrarias etiam curandi methodos requirere. Nam in causa proxima, primo loco memorata, infirmitatem omnino et inertiam, immo corruptionem humorum conspicimus, quae semper prosector invalesceret, nisi fortiter eidem resisteretur. Posteriori in casu vero, statum prorsus oppositum animadvertisimus, actionem videlicet auctam, nimiam virium et humorum abundantiam, quibus natura liberari molitur.

Simil autem passio abdominalis saepius obvia, quae modo in gastrica molestia, modo in systematis venae portarum stagnationibus, modo, quod creberrime accidit, in quadam hepatis affectione cernitur, neutiquam est negligenda. Hac ex affectione abdominali igitur vel abnormalis sanguinis temperatio prodit, qua ex parte sanguinis libera circulatio, tum vero etiam recta haematosis impeditur, vel istae conditiones cum statu quodam debilitatis universalis systematis vasorum ac diluto et putrido sanguini tenore consociantur, vel etiam eo cum statu, in quo sanguis liquidus ac dilutus est, sistema vasorum autem simul erethice incitatum, saepe adeo sthenicum deprehenditur. Quaeritur denique, num semper affectio abdominalis obvia sit, et an sanguinis decompositio nunquam non ex ea prodeat, qua in re potissimum differentia inter haemorrhoeam perpetchialeam ac scorbutum sitam esse credi posset. Ad experientiam plurium medicorum anglicorum 84) et Cel. Professoris Struve provocans, affirmare

84) Plumbi l. c.

audeo; morbo nostro in ejus initio, pluribus utique in casibus, affectionem abdominalem subesse, cui sententiae etiam auspiciatae Anglorum per purgantia curationes favent. Quodsi reputes, quales quantasque partes organa abdominalia in haematosi sustineant, facili negotio intelligetur, turbatam organorum abdominalium functionem sanguinis decompositionem efficere posse.

De causis praedisponentibus auctores similiter adhuc sunt incerti ac dubii, atque hoc loco etiam opiniones quam maxime contrariae obtinent, quas quaelibet medicorum schola experientia et exemplis probare conatur. Non nulli contendunt, praecipue homines debiles, cachecticos, qui antea jam morbis laborarunt et nimia irritabilitate ac sensibilitate sunt praediti, adeoque in primis foeminas et infantes morbo nostro opportunos inveniri, viros contra plerumque ab eo esse immunes.

Sic Cel. Willan 85) inter 17 aegrotos, 9 foeminas, 6 infantes, quorum tres nondum primum aetatis annum attigerant, et duos tantum viros observavit. Alii vero credunt, viros potius, constitutione robustos, vitam inertem agentes, praesertim autem eos, qui victui luxurioso et nimio spiritus cerealis usui sunt dediti, ad eum esse praedispositos. Hanc posteriorem sententiam et Cel. Prof. Struve 86) aperite prohunciat, atque inter tres easus illos, ab eo observatos, duos commemorat, ubi viri, qui crebro vini adusti usu delectabantur, morbo nostro laboraverint. Sic etiam in

85) Willan l. c. p. 348.

86) Rust l. c. B. 8,

quatuor morborum historiis, a nobis narratis, tres viri et una solummodo femina hoc morbo affecti reperiuntur. Aliis morbis defunctis, haemorrhoea petechialis facile quoque oriri dicitur, ut post scarlatinam 87), rubeolas, febrem gastricam 88) et icterum 89). Interdum vero nulla ad eam opportunitas adesse videtur ac sine discriminē quilibet sexum, quamcunque aetatem invadit, quandoque adeo homines omnino sanos; nunquam antea morbo quodam cōtrepitos.

Causis occasionalibus accensentur: atmosphaera corrupta, nimis humida vel calida, diæta minus idonea ac tenuis, ciborum depravatorum, putridorum concoctaque difficultiorum usus; in universum quoque ciborum et potulentorum sufficientium inopia, eorundemque valde adipitorum vel irritantium nimia appetentia; praesertim autem vini adusti potatio, uti et intermissa corporis plethorici et robusti agitatio ac motus; pathemata et animi perturbationes deprimentes; porro Veneris intemperantia, denique mensium et haemorrhoidum suppressio. Huc etiam, secundum nonnullorum experientiam, pertinet usus saponis diu continuatus, nisi cum eo sitūlū medicamenta amara consociantur. Aquam Laurocerasi eundem quoque effectum exserere, ajunt, postremo observatum est, quorundam serpentum morsu mōrbum macul. hæm. W. progenari 90). Magnum quoque diebus aestivis calorem multum

87) Havinga l. c.

88) Auserlesene Abhandlungen P. 4. p. 289.

89) Hufeland Journal etc. T. 10. St. 1.

90) Haase h. c. Vol. I. p. 538.

quidem ad progignendum morbum nostrum valere, ex eo intelligimus, quod haemorrhœa petechialis saepius aestate quam hieme observata est, et quibusdam aestatibus indolem adeo prodit endemicam. Cel. Arnemann 91) casum quendam narrat, ubi mulier quaedam quavis aestate hoc morbo tentaretur, qui crebro sine remedii adhibitis evanuit; durante lactatione morbus minor apparebat, ac menstruatio quidem non ita erat larga quam in perfecto sanitatis statu, semper tamen normali tempore adiuit. Memoratu autem dignum est, eundem medicum eodem mense in regionibus eeditioribus duos adhuc aegrotos isto morbo laborantes observasse, qui vero, ob vehementem ejus decursum, diem obierunt supremum. Nec minus Arnim 92) inter 20 aegrotos, 13 se visisse adfirmat, qui aestate nostro morbo essent affecti.

91) Hufeland Biblioth. etc. T. XII. p. 344.

92) Arnim Diss. inaug. de purp. haemorrhag. Hæiae 1824 p. 8.

*Prognosia:*

Quod ad prognosin adtinet, sic est instituenda; ut reputetur, num causae morbi nostri facilius vel difficultius negotio removeri possint. Quo difficultius causae removeri queunt, eo pejor est prognosis. Porro ad corporis aegroti constitutionem adtentendum; quo debilior ac magis cachecticus aegrotorum habitus, eo graviora sunt omina. Inde etiam in universum viris minus periculosis hic morbus habetur, quam feminis et infantibus. Denique diuturnior vel brevior morbi mora ad constituantem prognosis multum admodum consert. Nam ejus initio, ubi causa saepè levis ac remoti facilis subest, ut e. g. in pluribus casibus, ubi cordes gastricae, vel leviores stagnations in systemate venae portarum, vel affectio hepatica minus infesta obtinent, prognosis nunquam est adversa; si cura adhuc beatatur idonea. Si e contrario haec negligitur ac medicus viam in grēditur oppositam, ita ut morbi statim initio remediis utatur adstringentibus et roborantibus, conditio aegroti manifesto in

deterius mutatur; morbus protrahitur et sanguinis qualitas liquida ac diluta in putridam tandem, dyscrasiae scorbuticæ propemodum aequalem, transit decompositionem; haemorrhagia et tum vehementiores cum difficultate inhibentur saepiusque redunt; vires aegroti cito labefactantur, hoc modo vero sanatio morbi valde impeditur ac postremo, quod tamē non admodum frequenter fieri solet, vitae aegri periculum potest imminere. Mala sunt præsagia, si morbus noster tales homines aggreditur, qui brevi antea aliis morbis valde sint debilitati, ut e. g. si scarlatinam consequuntur 93):

Vel pejor prognosis locum habet, si morbus inacul. haem. W. cum aliis morbis conjunctus apparet; complicatio præsertim cum variolis imaginari casu, Wichmanno 94) testante, quarto vel quinto die decedere soleant. Nec minus adversa est, ubi morbus cum stagnationibus chronicis in systemate venae portarum et affectionibus hepatis chronicis consociatur. Pessimam vero prægnosin ostendit complicatio cum apoplexia sanguinea; jam coquacatum tunc est vitæque servandæ nulla spes reliqua 95).

Temporis spatium, quo morbus noster absolvitur, admodum est diversum. Communiter haemorrhoea petechialis aliquot hebdomadum intervallo ad finem perduci solet. Saepe vero per

93) Krukenberg Annalen der ambul. Klinik zu Halle. Vol. I. p. 359.

94) Wichmann Ideen zur Diagnostik T. I. p. 104.

95) Rust Magazin etc. B. 8. p. 54.

plures menses, imo annos perseverat, quod quidem experientia pluries comprobavit 96 et 97); talem etiam casum in prima nostra morbi historia commemoravimus. Quodsi aegroti eodem diu conflictati sunt, auguria eo fiunt infasta, quod facile in evanescere recidunt.

96) Batemann praktische Darstellung der Hautkrankheiten nach R. Willans System p. 181.

97) Rust l. c. p. 46 bis 55.

### *C u r a n d i t a t i o n e s*

**U**t in exponendis morbi nostri causis superiorēs ac recentiores auctōrēs magnopere inter se dis-creparunt, sic etiā in constituenda curandi methodo differunt. Et hoc in argūmento duaē curandi rationes, p̄forsū contrariae, a partibus sibi oppositis commendatae et ab eātīm assēctis, conditionem morbi primariam non respicientibus, temere semper sunt observatae. Cum vero intellexerimus, pro re nata causas ejus plāne diversas esse posse, imo saepe quam maxime sibi oppōsi-tas; nēc unam nēc alteram curandi fationem, a scriptoribus commendatam, in quovis casū occurrēte observandam censēbimus, sed eam nun-quād non eligemus, quae unicuique morbi con-ditioni prae-senti quam accommodatissimā vi-deatur.

His praemissis, indicatiōnēs générales in cu-rando morbo macul. haem. W. sequenti modo constitutas esse duxerim:

1) Ut causae occasioales et in universum omnia nocitura vel, removeantur, vel si hoc fieri non potest, saltem mitigentur ac diminuantur, enitendum nobis est.

2) Condicio primaria seu causa morbi nostri proxima accurate semper est respicienda atque opera danda, ut haec tollatur eique rei perficienda remedia accommodatissima praecipientur.

3) Symptomatis imprimis vehementibus vi- taeque aegroti periculum minantibus animus est advertendus, eaque vel removenda, vel saltem sunt levanda et, ne aegrotō noxam afferant, curandum. Denique

4) Diaeta idonea imperanda.

Illi quatuor indicationibus sic constitutis, jam ad singulas uberioris exponendas nos convertemus simulque ostendemus, quo modo et quibus remediis, secundum principia nostra, curatio sit instituenda.

Ad 1) Prima indicatio tam diversa apparet, quam ipsae morbi nostri causae occasioales. Catisa occasioalis magni quidemi motimenti aer est corruptus, quem purgare vel cum puro ac salubri comunitare jubere medico incumbit; quod si nimis est calidus, eum refrigerare studeat; providendum ei porro, ut, si aegrotus in regione quadam humida ac paludosa vitam degat, vel domum humidam habitet, in aliam regionem vel domum transpotetur. Ab usu ciborum crudorum, putridorum, vel concocin dissiliciorum, aeger omniwo prohibeatir. Nulla quidem ciborum et potuum sufficientium inopia premi debet, sed non mintis abstinentum ei est ab usu ciborum ac potulentorum valde adipitorum et irritantium, praecipue vero spiritu cereali; in plethorica vero

ac robusta corporis constitutione, assiduis, si aegrotus id adhuc sustinet, corporis agitationibus, tempestate oportuna atque serena instituendis, opus est. Pathemata et animi affectus deprimentes evitentur, animus vero laetus atque alacer in eo excitetur; simul quaecunque Veneris voluptas, modum excedens, severa lege ei est interdicenda. Si denique, quod haud raro accidit, menstruatio vel haemorrhoides suppressae haemorrhoeae petechiali occasionem praebent, ad fluidam conditio nem sunt redigendae.

Ad. 2) Quoad secundam indicationem, cum duplex causa proxima diverso tempore diversisque sub conditionibus morbo nostro subsit, pro rei ratione, duplice etiam modo curandi consilium est ineundum.

Superiores auctores, ipsi adeo recentiores haemorrhœam petechiale acidis duntaxat mineralibus remediisque adstringentibus ac roborantibus curare conantur, in ea versantes opinione, quod morbus putrida semper, dyscrasiae scorbuticae aequiparanda, sanguinis decompositione contineatur. Haec vero, cum raro, ut supra jam memoravimus, in morbi primordiis locum habeat, sed potius morbo jam diutius morante, vel in hominibus infirmis, cachecticis aliquis morbis jam debilitatis, e conditione sanguinis liquida ac diluta sensim prodeat et excolatur: clarissime patet, hanc curandi rationem certis omnino limitibus esse circumscribendam, eamque nocentem adeo fieri posse, quod et experientia confirmatur.

Diligenter igitur nobis est explorandum, num putrida haec, ac dyscrasiae scorbuticae fere aequalis sanguinis dissolutio, vel constitutio cor-

paris diebilis et cachectica, reye r a adsint Quodsi ita res se habet, acida mineralia, uti et remedia adstringentia ac roborantia, quam comodissime adhibentur. Remedium hujus generis efficacissimum *cortex Peruvianus*, acidis mineralibus vel alumini nuptus, utique esse videtur; interdum tamen et quae in horum locum substituuntur ad sanationem adducendam sufficiunt. Neque tamen ad atoniam ventriculi, omni tempore praevalentem, non est attendendum, ideoque illa remedia sub formis sunt adhibenda, quae hunc, quantum fieri potest, parum afficiunt. Huc pertinent etiam *extracta amara sincera et remedia aromatico-amara*. Celeberrimus Haase 98), si magna infirmitas et laxitas organorum universalis observantur, insuper remedia aethereo-oleosa, olea sincera aetherea, omnia aromata, tam indigena quam extera, Camphoram, itidem omnes plantas, Camphoram continentem, commendat; quod, ex nostra quidem sententia, non sine exceptione est accipendum, cum haec remedia, a celeberrimo Haase celebrata, nimium calorem excitent ac facile haemorrhagias provocent. Attamen remedia incitantia volatilia, nominatim *Spiritus dulcificati* et *Naphthae*, ibi iudicata esse possunt, ubi, ob haemorrhagias, vires exhaustientes, vita extingui videtur, nunquam autem, ni fallor, Camphora. Idem scriptor simul contendit, haec remedia *vino* *vetusto Rhenano* vel *Hungarico*, item *Burgundico* ac *Madeirensi* esse adjuvanda;

98) Haase, l. c. Vol. I. p. 538.

Nec minori efficacitate pollent remedia quae-dam extrinsecus adhibita. Magnae utilitatis sunt balnea frigida, praesertim ip fluvii, uti et perfusiones frigidae. Cui sententiae experimenta tum celeberrimi Doctoris Harder 99), tum celebr. Prof. Struve, mecum communicata, mea ipsius experientia denique patrocinantur, uti ex prima et tercia morbi historia, a me memoriae prodita, intelligitur. Remediis externis porro adnumeratur totius corporis lotio cum remedii spirituosis et vinis aromaticis, vel cum aceto, aqua frigida temperato. Celeb. Haase 100) affirmat, in vehementioribus morbi gradibus totum corpus pannis laneis, Camphora fumo impletis, magno cum aegrotorum commodo involvi. Haud mediocre auxilium praestant quoque balnea ex herbarum aromatico-amararum decoctis parata, denique versus finem curae et balnea frigida Martialia praecipi possunt.

Recentissima memoria medici Anglici plures que Germanici solis catharticis ac sanguinis detractionibus haemorrhoeam petechiale optimo quidem curant successu, cum, uti supra jam dictum, plerumque nimiam sanguinis abundantiam et inflammatoriam ejus conditionem, vel saepius adhuc affectiones abdominales, morbo nostro causas subesse, censeant. — Cel. Plumbe 101) tredecim morborum nobis exhibit historias, quarum summa haec est: una tantummodo aegrota, solis venaesctionibus

99) Peterburger vermischt Abhandlungen etc. Sammlung 3. 1825. p. 153.

100) Haase, l. c.

101) Plumbe, l. c. p. 86.

repetitis sanata est; inter undecim aegrotos, quibus curandis venae sectiones cum catharticis, e Calomelane et Jalappa paratis, conjunctae, adhibebantur, octo brevi tempore consanuerunt, ac tres duntaxat aegroti, infirmiori corporis constitutione afficti, perierunt; unicus vero casus memoratur, ubi aegrotus, tonica tantum et victum, alendo aptum, accipiens, mortis poenam luit. Dr. Harder 102) quoque casum quandam refert, in quo morbum macul. haemorrh. W. septem diegerantibus, catharticis ac frigidis perfusionibus sanabat. Celeberrimus etiam Prf. Struve plures casus in promptu habet, ubi brevi tempore salibus catharticis refrigerantibus, sive solis sive cum balneis frigidis in fluvio consociatis, aegrotorum sanitatem restituit, qua de re quarta morbi historia, a nobis relata, exemplum quoddam continet. Quocirca conditionibus aemorrhoeae petechialis primariis, plurimis in casibus obviis, animus est advertendus et, prout illae inveniuntur, curandi consilium capiendum. Multis enim in casibus, praesertim in hominibus, forti ac robusta corporis constitutione praeditis et antea contintantes, memoravimus, liquidam ac dissolutam sanguinis rationem observamus, cui status erethicus, interdum adeo sthenicus accedit; perspicue hic vasorum systematis aucta actio eluet. Talibus in casibus venae sectiones, modo solae, modo catharticia debilitantibus junctae, conve-

102) Peterburger Abhandlungen etc. Sammlung 3.  
1825. p. 153.

nientissimae sunt egregiumque usum praestant; quod etiam e casibus patet, a Plumbe 103) ut et a Dr. Harder 104) narratis.

Rebus ita comparatis igitur, heroica haec remedia ac debilitantia morbi initio neutiquam sunt metuenda et confidenter in iis adhibendis pergi potest, donec alium morbus characterem adoptaverit.

Aliis et quidem plurimis in casibus nobis, cum plures observatores, iidemque accuratissima diligentia praestantes, statuerunt, morbum nostrum cum gravibus abdominis molestiis consociatum apparere, hasque ad haemorrhœam petechialem progenerandam multum conferre. Quae molestiae autem, uii jam dictum vel, in gastricis tantum affectionibus, quod quidem creberime occurrere videtur, vel in stagnationibus venae portarum, vel in malo hepatico positae sunt. His conditionibus remotis, mox prosperum curae evenit sperare licebit. Quantum igitur ad affectiones gastricas, eas facile sive catharticis sive emeticis removeamus, prout sordes vel infra vel supra colliguntur; attamen in universum cathartica praeferenda sunt, quoniam emetica facile congestiones in vasis cutaneis excitare atque etiam vi sua concutiente haemorrhagias possunt adaugere. Quoad stagnationes in vena portaram et affectiones hepaticas, illas quam saepissime provocantes, equidem credo, et has conditiones primarias, cum iis autem simul morbum nostrum catharticis repetitis, statim in ipsis morbi primordiis porrectis, remo-

103) Plumbe, l. c.

104) Peterburger Abhandlungen etc.

veri dictaque remedia tanquam sola idonea adhiberi posse. Si autem quaeritur, quaenam potissimum cathartica sint eligenda, Sales laxantes mitiores refrigerantes, e. gr. kali tartaricum ac Sal mirabile Glb. plurimis in casibus purgantibus fortioribus drasticis esse anteponendos, existimo, cum illa eis virtus insit, ut non tam facile debilitatem universalem nec totius corporis afferrant, nec in primis ventriculi progenerent, quam purgantia drastica. Calomelas, experientia medicorum Anglicorum teste, quam maxima in morbo nostro est utilitatis, neque id difficile est explicatu, cum creberime malo quodam hepatico contineatur, contra quod Calomelas, per plurima experimenta ceu remedium efficacissimum ac valentissimum probatum atque semper adhuc, haud quidem raro, adhibitum est. Neque tamen ejus usum nimis diu continuare licet, quia facile dyscrasiam scorbuticam progignere potest.

Hanc vero per cathartica repetita curationem saepius quidem medicamenta, stomacho firmando idonea, excipere juberem, cum ventriculus semper plus minusve catharticorum usu debilitetur, eisque adeo vi morbi redempti ansa praebatur.

Postremo inter remedia, recentiori tempore adversus morbum macul. haem. W. commendata, Oleum Terebinthinae mihi est commemorandum. Dr. Whitlock, Nicholl 105) magnis hujus remedii dosibus (quotidie enim VI ad X drachmas propinabat), virum 47 amorum ac

105) Froriep's Notizen aus dem Gebiete der Natur und Heilkunde, Vol. I. No. II. Octbr. 1825. p. 174.

puellam 12 annos natam, brevi temporis spatio sanabat, in quibus tamen morbus noster non simplex, sed cum aliis morbis complicatus apparebat. Dr. Carter 106) quoque narrat, se aegrotum quendam, haemorrhoea petechiali laborantem, Oleo Nerebinthinae sanasse. Cum hucusque pauca tantummodo experimenta, efficacitatem hujus remedii contra morbum nostrum comprobantia, praesto sint, nec nostri est, quale ei statuendum sit pretium, in utramque partem audacius prouinciare.

Ad 3) Quantum ad tertiam indicationem, hic in primis haemorrhagiae vehementes vitaeque periculum minitantes, uti et animi deliquia, iisdem effecta, respicienda sunt. Quod posteriorem curam attinet, Lectores ad praecelta generalia, in disciplina therapeutica praescripta, quae in eis tractandis sequi debemus, relego. Haemorrhagiae periculosae ex parte jam saepius cura illa interna morbi, a nobis commiendata, inhibentur; interdum vero haec iis sistendis non sufficit, atque tum ea remediis externis sequentibus erit adjuvanda. Communiter haemorrhagiae ex ore ac naso proveniant; contra has gargarismata adstringentia et injectiones ordinamus. Praecipue huic fini inserviunt decocta vel infusa plantarum adstringentium, acidis mineralibus, praesertim acido muriatico, nupta, uti et cum Alumine vel Gummi Kino conjuncta. Quodsi haec aliaque remedia nihil proficiunt, jam admovenda sunt locis, sanguinem fundentibus, penicilla (Tampons), fluidis adstrin-

106) Medizinisch chirurgische Zeitung B. 3. p. 199, Innsbruck 1825.

gentibus immersa vel pulveribus stypticis  
conspersa.

Ad 4) Quarta indicatio, ut diaeta idonea praecipiatur, postulat. Uti jam in primae indicationis expositione commemoravimus, cibi prescribendi nutrientes, concoctu faciles, e regno vegetabili potius quam animali electa. Praecipue hic convenit fructuum subacidorum usus, potio quoque debet esse subacida. Simul in seriori morbi decursu, si jam adest debilitas, paulum etiam yini Bhenani potest imperari. Aegrum in aere sicco, puro ac frigido magis quam calido morari, et si huic rei sustinendae par est, sub dio modico corporis motu exerceri oportet.

#### THESES DEFENDENDAE.

1. Nulla adhaesio praeternaturalis sine inflammatione praegressa.
2. Hominem naturaliter ad morbos dispositum esse dico.
3. Dantur etiam morbi salutares.
4. Fetus maturus in utero materno tanquam corpore alienum aestimari meretur.
5. Sanguini vita inest.
6. Una cum semine vitae, fetui simul semen motis datur.

7. *Hydrops semper passio est secundaria.*
8. *Cerebrum ad vitam non absolute necessarium.*